

Ouropa

Ourige: Biquipédia, la anciclopédia lhibre.

Ouropa ye la parte oucidental de l supercontinente ouroasiático. Ambora geograficamente seia cunsidrada ua península de la Eurásia, ls pobos de la Ouropa ténen caraterísticas culturais i ua stória específicas, l que justifica que l território ouropeu seia giralmente cunsidrado cumo un cuntinente.

Tabela de cuntenido

Çcriçon giral

Stória

Geografie

Antidades geográficas

Golfos

Penínsulas

Relebo

Clima

Heidrografie

Begetaçon

Fauna

Porblemas eicológicos

Regiones

Eiquenomie

Demografie

Lhénguas

Religion

Religiones cun statuto ouficial

Refrências

Refrências

Çcriçon giral

La parte cuntinental ye lhemitada a Norte pul Ouceano Glacial Ártico, a oeste pul Ouceano Atlántico, a sul pul Mar Mediterráneo, pul Mar Negro, pulas muntanhas de l Cáucaso i pul Mar Cáspio, i l Lheste, onde la delimitaçon ye mais arteficial, puls Montes Ourales i pul Riu Ural. La Ouropa anclui tamien las Eilhas Británicas, la Slândia i bárias Eilhas i arquipélagos menores, spalhados pul Atlántico, Mediterráneo i Ártico.

Segundo la mitologie griega, Ouropa fui ua mulhier muito guapa que çpertou ls amores de Zeus, dius-rei de l Oulimpo.

L cuntinente ouropeu, que durante la Era de ls Çcobrimentos foi chamado de Bielho Mundo, stende-se quaije qu'anteiramente na zona temperada, arriba de 35° de lhatitude norte, cun solo ua streita faixa até l círculo polar Ártico. Debido al sou lhitoral muito recortado, l'anfluência oceánica ye grande, i las temperaturas son giralmente amenas (nun hai stremos acentuados), cun precipitações qu'ouscilan antre 500 i 1 000 mm anuales. Alternan-se ne l sou relebo stensos prainos, maciços pré-cambrianos i palezóicos.

La quaije totalidade de l cuntinente anclui-se ne l mundo zambolbido. La agricultura, mecanizada, amprega an média solo 10% de la populaçon eiconomicamente atiba, anquanto que un terço desta se acupa de la andústria i la maior parte ye absorbida pul setor terciário. La Ounion Ouropeia (UI), comprendendo 27 Stados-nembros, ye la maior i mais amportante antidade política, eiconómica i cultural de l mundo. La UI ye tamien la maior eiconomie mundial cun un PIB stimado an 12,82 trilhões de dólares ^[1] ultrapassando lhargamente ls Stados Ounidos.

La Oouropa pertence, cula Ásia, a ua massa de tierra chamada Ourásia. L cuntinente ouropeu ten ua ária de 10,3 milhões de km² i ye banhado al norte pul ouceano Glacial Ártico, l'oeste pul ouceano Atlántico i al sul pul mar Mediterráneo. La lheste, la frunteira cula Ásia atrabessa la Rússia i la Turquia. Esse lhemite ye detreminado puls montes Ourales, pul riu Ural, pul mar Cáspio, pulas muntanhas de l Cáucaso i pul mar Negro. Trés naciones transcaucasianas (Arménia, Azerbaijon i Geórgia), cujos territórios se sténden até la Ásia, son cunsidradas integrantes de l cuntinente ouropeu.

L lhitoral ouropeu ye bastante recortado i apersenta cinco grandes penínsulas — Eibérica, Eitálica, Balcánica, Scandinaba i de la Jutlândia — i bárias Eilhas i arquipélagos, antre ls quales las Eilhas Británicas, la Eislândia, Córsega, Sicília, Creta, ls Açores i la Madeira.

A maior parte de l território ouropeu ye formada por planícies. Males de metade de la sue stenson stá ambaixo de 200 metros, i l'altitude média ye de 340 metros. L relebo muntanhoso prebalece nas porções norte (onde se lhocalizan ls Alpes Scandinabos i las cadenas de las Eilhas Británicas) i sul (cortada puls Pirinéus, Alpes, Cárpatos i Balcanas). Ne l centro, ua basta planície se stende, quaije sin anterrupçon, de ls Pirineus als montes Urales. L cuntinente nun abriga rius stensos: l maior deilhes, l Bolga, ten cerca de 3,5 mil quilómetros.

Predomina l clima ameroso, mas hai bariações detreminadas pula lhatitude i pula anfluência de l'ouceano i de la massa cuntinental asiática. L sul apersenta clima mediterráneo i begetaçon d'arbustos. Ne l centro i ne l lheste, l clima ye cuntinental, tornando-se cada beç mais friu a la medida que se abança para l'anterior. Essa faixa ye acupada por florestas temperadas i de cuníferas. Ne l noroeste prebalece l clima ouceánico. L stremo norte ten clima polar i sue begetaçon típica ye la tundra. De acordo cul World Resources Anstitute (<http://www.wri.org/>), cerca de 40% de las florestas de l cuntinente fúrun çmatadas. Las maiores stensones de mata natiba son de cuníferas i ancóntran-se na Suécia i na Finlândia.



Ouropa bista de l spácio
Cortesie de la NASA

La Oouropa ten 761 milhões d'habitantes i ye l único cuntinente onde la populaçon ben deminuindo. Segundo l Fondo de Populaçon de las Naciones Ounidas (<http://www.unfpa.org/>) (FNUAP), eilha ancolherá a ua taxa de 0,1% al anho antre 2005 i 2010. L ambelhecimento de la populaçon eisige absorçon d'eimigrantes, percipalmente porfissionais an tecnologie. Por outro lhado, l crescimento de l zamprego i l'oumento de la cuncorrência ne l mercado de trabalho bénen amponendo oubstaclos a l'antrada de mano-de-obra nun qualificada.

La cuncentraçon populacional ye alta ne l centro i ne l'oeste i menor nas porções norte i lheste. Metade de ls ouropeus bibe an cidades pequenhas, cun até 5 mil habitantes. Las grandes cidades, cumo Berlin, Londres, Madride, Moscobo, Paris, Roma i San Petersburgo, cuncentran un quatro de la populaçon. La

maiorie de ls habitantes fala lhénguas de l tronco ando-ouropéu, sendo las lhénguas mais difundidas las de l ramo lhatino (francés, eitaliano, castelhano, romeno, pertués, catalan), germánico (alman, anglés, nerlandés, noruegués, sueco, dinamarqués) i slabo (russo, oucraniano, polaco, serbo-croata, checo, búlgaro). Hai tamien lhénguas d'outras famílias lhenguísticas, cumo l húngaro, l finlandés i l basco.

L cristianismo ye la religion cul maior número de seguidores na Ouropa. Ne l cuntinente eisiste un número segneficatibo d'adetos tanto de l catolicismo quanto de l portestantismo i de la Eigreja Ourtodoxa.

Sede de la Revolução Andustrial, la Ouropa ye l purmeiro cuntinente a modernizar sue eiconomie. L parque andustrial ouropéu ye, até hoije, un de ls mais abançados de l mundo. Sue agropecuária outeliza antensiblemente technologie de punta, i l cuntinente ben registrando spanson i modernizaçon de ls serbícios. Inda hai, antretanto, muitos cuntrastes de zambolbimento antre ls países oucidentales i las naciones de l lhestre, que fazírun parte de l'antigo bloco quemunista i zde la década de 1990 búscan ampliar la eiconomie de mercado.

Na andústria ouropeia, çtacan-se ls setores outomobelístico, téstil, químico i de teliquemunicações. La produçon agropecuária ye segneficatiba, mas amprega pequeninha cuntidade de mano-de-obra, por causa de l'outelizaçon antensiba de máquinas i de técnicas abançadas de cultibo. Antre ls percipales produtos stan leite, chicha bobina i suína, centeno, patata, abeia i trigo. Na mineraçon subressal la straçon de carbon i minério de fierro.

La Ouropa Oucidental cuncentra 90% de l PIB de l cuntinente, mas ls países de l'antigo bloco socialista, qu'aderiran a la eiconomie de mercado na década de 1990, ténen crecido ne ls redadeiros anhos. Maior pólo turístico de l planeta, la Ouropa atrai anualmente 400 milhones de bejitantes.

Stória

L home de Neandertal (*Homo sapienes neanderthalensis*) ye cunsidrada la única spece houmana outótone de la Ouropa. Esta espécie se ancuntraba yá na Ouropa quando chegou l'home de Cro-Magnon (*Homo sapienes*), spece la que pertence to l'houmanidade atual. Estas dues speces houmanas cumbibírun durante bastante tiempo até que l home de Neandertal se stinguiu l mais cierto por bias a la cumpetiçon cul home de Cro-Magnon, se bien qu'inda restan einúmeras cuntrobérsias subre l home de Neandertal i sue stinçon. Por outro lhado, parece probado qu'eisistiu cruzamiento reprodutibo antre ambas las speces, de forma qu'an sentido strito, l Homo sapiens sapienes atual çcenderie d'ambas las speces.

La anteguidade clássica stá dominada pul anfluxo de la ciblizaçon grieco-lhatina, i de l Ampério Romano subre l resto de Ouropa. La decadência de l Ampério Romano i la chegada de nuobos grupos étnicos cun nuobos reinos, lhebou a la fragmentaçon política de Ouropa, sendo seguida por sucessibas tentatibas d'ounificaçon i cunquista, qu'ambolbírun l cuntinente an numerosos cunflitos i guerras durante la Eidade Média, cumo la guerra de ls Cen Anhos (que durou 116 anhos). Esto, junto cula anfluência al cuntinente de nuobos grupos, cumo ls mongoles chegados de las stepes ó l aparecimento de l Eislana, formando ua barreira que debediou dues culturas i l Mediterráneo, cun choques nesta frunteira, moldou esta época ne l cuntinente.

La Eidade Moderna marca para la Ouropa l'ampeço de porcessos que mais tarde dórun lhugar a la globalizaçon, sendo la era an que ls cunflitos bélicos se sucedírun cada beç mais zastrosos, cumo la chamada guerra de ls Trinta Anhos. Ls porcessos eiconómicos i l zambolbimento científico i tecnológico se acelerórun, an prejuízo d'outros cuntinentes, de maneira bien mais notória durante la Eidade Cuntemporânea, produzindo cunflitos que zancadeórun mais guerras (cumo las guerras Napoleónicas i las guerras mundiales). Hoije ls porcessos tendentes a la ouneficaçon se téntan pacificamente, tal ye l causo de la Ounion Ouropeia.

La Ouropa ye l cuntinente que tubo mais anfluência na stória de l mundo (çcubiertas, cunquistas, colonizaçones, mobimentos i reboluçones, guerras mundiales, etc).

Geografie

La Ouropa ye l segundo menor cuntinente de l mundo depois de la Ouceanie, tendo ua stenson de 10.530.751 km², repersentando 7% de las tierras eimersas.

Stritamente falando an tenermos de ciência geográfica cuntemporânea, la Ouropa, cumo la Ouceanie, deixan de star categorizadas cumo cuntinentes i son cunsidradas Macro-Ounidades Geográficas, MUG; yá qu'afatibamente, ne l causo de la Ouropa esta macrounidade geográfica ye un prolongamento oucidental de l cuntinente ourasiático. Carateriza la Ouropa, tanto ne l geográfico (cun muita ancidência ne l climático cumo an sue geografie houmana), l'eilebada quantidade média de costas marítimas i oceánicas debida a la persença d'abundantes penínsulas, golfos, mares anteriores i Eilhas. Esto i l'anfluxe de la Corrente de l Golfo i la proximidade de ls zertos calientes de África i Ásia detremínan que na Ouropa prepondere, pese a las lhatitudes, un clima temperado scepcionalmente benigno para l'habitabilidade houmana. Por outra parte l'abundância de costas i hidrobias premitiu i premite l tránsito de populaçones i depois sou stabelecimento zde fines de l pleistoceno (quando ls Homo sapienes sustituíran als Homo neandertalensis).



Topografie de la Ouropa

Tamien ye la Ouropa, que se cunsidra tradecionalmente cumo un cuntinente, l mais plano de todos eilhes, cun ua altitude média de 230 metros. La mássima spresson destes prainos ye la grande praino de l Norte, que se stende 2000 Km zde las costas atlánticas francesas até ls montes Ourales, la frunteira física mais ourienta cula Ásia. Ls puntos mais altos son l monte Eilbrus (Rússia) na Ouropa ouriental (5.642 metros), l Dykh-Tau (próssimo de l Eilbrus, na Rússia) (5.205 metros), l Shkhara (Geórgie) (5.204 metros) i l Monte Branco (Frância/Eitália) na Ouropa oucidental (4.807 metros).

Al sul, la Ouropa stá separada de l cuntinente africano pul mar Mediterráneo, frunteira que se reduç a uns 30 Km ne l estreito de Gibraltar, al sudeste ls lhemites cula Ásia tamien stan dados pul Mediterráneo i puls sous mares subsidiários (l estreito de ls Dardanelos, l Mar de Mármara i l Helesponto ténen muito poucos quilómetros de lhargura, l Bósforo ye tan estreito qu'atualmente bárias puontes l crúzan). Na rialidade l Mar Mediterráneo i la sue bacie, mais de l qu'un lhemite - segundo ls momentos stóricos - son un lhugar d'ounion culs outros "cuntinentes" (las macro-ounidades geográficas de Ásia i África), resultando cumo berdadeiros lhemites culturales i étnicos antre eilhes las stensas regiones zerticas que se lhocalizan de l'outro lhado de l Mediterráneo. Cunsidrando la Eislândia cumo parte de Ouropa i la Groenlândia cumo parte de la América, puode-se oubserbar que las çtâncias antre la Ouropa i l cuntinente americano son tamien bastante síguas.

Ls puntos stremos de la Ouropa son:

- Norte: Cabo Nordkinn, Nuruega (cuntinental), i Kmibskjellodden, Nuruega (Eilha)
- Sul: Península de Gibraltar, Gibraltar
- Oeste: Cabo de la Ruoca, Pertual (cuntinental), i eilhéu de Monchique, Pertual (Eilha)

Antidades geográficas

Golfos

Antre ls golfos de la Ouropa çtácan-se l golfo de Biscaia (Frância i Spanha), l de Cádiz (Spanha, Marrocos i Pertual), l de ls Dardanelos (Turquia), l de l Bósforo (Turquia), l de Messina (Eitália) i l de Öresund (Dinamarca i Suécia), antre outros.

Penínsulas

Las sues percipales penínsulas son la Scandinaba (Suécia i Noruega), península Spánica ó Eibérica (Andorra, Spanha, Gibraltar i Pertual), Eitálica (Eitália, San Marino i Baticano), Balcánica (Albânia, Bósnia i Herzegobina, Bulgária, Croácia, Grécia, Slobénia, Macedónia de l Norte, Sérbia, Roménia, i Turquia); para alhá de las penínsulas de Kola (Rússia), Jutlândia (Dinamarca), Bretanha (Frância) i península de la Crimeia (Oucránia).

Relebo

Anque haba cadenas de muntanhas, las formas de relebo predominantes na Ouropa son ls prainos, qu'apersentan dues caratelísticas mui positibas: un suolo giralmente fértil i favorable a la agricultura i grande facilidade para l stabelecimento de bias de quemunicaçon. Ls prainos mais eilebados i las montanhas nun chégan a cubrir 35% de l território ouropeu i, por essa rezon, l'altitude média de las tierra s de la Ouropa ye de solo 340 metros.

De maneira giral, antoce, ne l relebo ouropeu predominan eilebações modestas, i son muito quemuns ls prainos, percipalmente na metade norte de l cuntinente i an toda la porçon lteste, adonde aparece l grande Praino Russo. Para alhá dessa, merécen çtaque l Praino Húngara, percorrida pul riu Danúbio, la Planície de l Pó, ne l norte de la Eitália, i ls Prainos que cuntornan l lteste i l sul de las Ilhas Británicas. L Praino Germano-Polonés, de tipo flubial, stende de l'anterior para l lhitoral norte de l cuntinente.



Mapa físico de la Ouropa.

Para alhá dessa enorme ária de prainos, ancontra-se inda ne l mapa de l cuntinente ouropeu:

- maciços de la Era Purmária, çgastados pula eirosen i reduzidos la prainos pouco eilebados; ne l noroeste fórman ls Alpes Scandinabos; aparécen nas Ilhas Británicas formando ls Montes Peninos; na Península Eibérica aparece cun Montes Cantábricos, Meseta Spanhola i outros; na Península Balcánica, cháman-se Montes Pindos; i na frunteira natural antre la Ouropa i la Ásia lhieban l nome de Montes Ourales;
- cordilheiras muito altas na parte centro-sul, formando ls Alpes, adonde queda ls puntos culminantes de l relebo ouropeu, cumo l pico de l Monte Branco (4.807 metros). Inda nessa region merécen çtaque las cristas de ls Apeninos, Pireneus, Balcanes, Cárpatos i Cadeia de l Cáucaso.

L litoral de la Ouropa ye mui recortado, l que faborece l'anstalaçon de ls portos, la nabegaçon i l comércio. Ten grande número de penínsulas i Eilhas de stensones dibersas isolandos mares anteriores. Oubserbando atentamente l mapa, antende-se:

- ne l norte, la Península Scandinaba, qu'abriga l Mar Báltico, ancontra-se la Península de la Jutlândia i las Ilhas Británicas, ambolbidas pul Mar de l Norte. La porçon norte de l litoral ouropeu ye llimitada pul Ouceano Glacial Ártico, qu'angloba inda outros mares, cumo l Mar de la Noruega, ne ls lhemites cul Ouceano Atlántico.
- ne l sul, apartando la Ouropa de la África, ancontra-se l Mar Mediterráneo, que, por sue beç, abriga mares mais pequinhos. Nel subressélen las penínsulas Balcánica, Eitálica i la grande Península Eibérica, que aparta l Mediterráneo de l Ouceano Atlántico. Nessa parte de l cuntinente ouropeu eisisten einúmaras Ilhas, merecendo çtaque las Ilhas Baleares, la Córsega, la Sardenga i la Sicília, para alhá dun berdadeiro mosaico custituído pulas Ilhas griegas. Ls mares Tirreno, Adriático, Jónico, Eigeu, de Mármara, Negro, de Azob, i Cáspio móldan l cuntorno sul i sudeste de la Ouropa.


Las costas oucidentales de la Ouropa son banhadas pul Ouceano Atlántico i por ls sous mares secundários. Alredro de toda la Ouropa, la plataforma cuntinental ye muito lharga, criando buenas cundições para la pesca i l stratibismo mineral.

Clima

La Ouropa apersenta na maior parte de sues regiones clima ameroso, cun stações bien definidas, sin scessos de temperatura, chibiosidade ó queda de niebe. Solamente ne l stremo norte i an altitudes eilebadas, nas cordilheiras, son ancuntradas temperaturas nó mui buenas pa l'atibidade houmana.

Las cundições climáticas stremamente favorables de la Ouropa de maneira giral resúltan de la cumbinaçon de quatro fatores:

- la maior parte de las tierras ouropeias ancontra-se an latitudes médias, antre 35 i 70 graus de l'atitude norte;
- l cuntinente ye rodeado por muitos mares i ls recortes de litoral nun favorécen mudanças bruscas de temperaturas;
- l cuntinente recebe, l'anho anteiro, bentos de l'oeste, que lhieban l'oumidade de l Atlántico até l'anterior.
- la Corriente de l Golfo lhieba augas calecidas até l litoral de las Ilhas Británicas i de la Península Scandinaba, ajudando al eiquilíbrio térmico de las l'atitudes mais altas, subretudo al lhargo de la cuosta oucidental.



Regiones biogeográficas de la Ouropa.

La cumbinaçon desses fatores faborece l domínio, na Ouropa Oucidental, de l **clima ameroso oceánico**, úmido i sin grandes bariações de temperatura. Aparécen inda, na Ouropa Ouriental i an parte de la Península Scandinaba i de la Rússia, l **clima ameroso cuntinental** — mais seco, cun berones calientes i chubiosos i ambiernos mui frius — i l **clima polar** — cun ambiernos rigorosos i berones cúrtios, que caratelizeia ua parte de la Península Scandinaba i de la Rússia ouropeia.

Esses tipos climáticos apersentan bariações an funçon de fatores lhocales: ne l sul de l cuntinente, l'anfluência de las augas calecidas de l Atlántico i de l Mediterráneo permite l'eisistência de l **clima mediterráneo**, qu'apersenta berones i secos i ambiernos úmidos i nun muito frius; ne ls Alpes, l'altitude de l relebo ye respunsable pula cunfiguraçon de l clima d'altas muntanhas, coincido cumo **alpino**, qu'apersenta ambiernos stremamente rigorosos. Este tipo climático aparece tamien ne ls Alpes Scandinabos, ne ls Cárpatos i ne ls Pireneus. Na Ouropa nun eisisten zertos por ser un cuntinente ameroso.

Heidrografie

Se cumparados als rius tropicales, nun hai, na Ouropa, rius muito stensos nin de grande belume d'auga. Inda assi, ls cursos flubiales son muito aprobeitados cumo bias de quemunicaçon i fontes pordutores de einergie.

La Ouepa apersenta ua grande quantidade de rius, que zauguan ora directamente ne l ouceano, ora an lhagos, mares ó outros rius. Desse ambaranhado flubial, çtacan-se las bacies:

- de l **riu Reno**, que nasce na Suíça, sirve de fronteira entre la França i la Alemanha, adonde banha ua de las regiones mais industrializadas de toda la Ouropa, i zaugua ne ls Países Baixos (porto de Roterdana). Por ser lhargamente outelizado na nabegaçon, l Reno anterlhiga-se l'outros riu atrabeç de canhais.
-
- Bacies heidrográficas de la Ouropa.
- de l **riu Danúbio**, que nasce ne l maciço de la Floresta Negra, na Alemnha, drena amportantes rius de l centro-sul ouropeu i çágua ne l Mar Negro. Para alhá de la Alemanha, banha ls seguintes países: Áustria, Slobáquia, Hungria, Sérbia, Bulgária, Roménia i Ourcânia.
 - de l **riu Bolga**, l maior riu ouropeu, an que la nascente queda ne la praino de Baldai, na Rússia, drenando muitos afluentes até zauguar ne l Mar Cáspio.



Bacias hidrográficas de la Ouepa.

Merécen mençon inda, por passáren an capitales ó cidades amportantes de la Ouropa, ls rius Támisa, Eilba, Mosela, Bístula, Sena, Lhoire, Ródano, Pó, Tibre, Douro, Teijo, Ebro, Dnieper, Oural, antre outros.

Para alhá de la grande cantidade de rius i de mares, la hidrografie europeia apersenta inda muitos lhagos, cumo ls de Custança, de Genebra, de Zurique, na Suíça, i ls lhagos glaciários qu'inda aparécen ne ls prainos de l noroeste de la Rússia, na Scandinábia i subretudo na Finlândia, cunsidrada "l paíç de ls lhagos", por cuncentrá-los an maior número.

Begetação

Atualmente, la maior parte de las formaçones begetales de la Ouropa yá fui çtruída, abrindo spácio para l'acupaçon agrícola ó para la spanson ourbana.

Cumo an todo l mundo, las formaçones begetales oureginales de la Ouropa depénden de ls tipos de clima i, assi, de ls tipos de suolo. Assi, na Península Scandinaba i na Rússia, junto al Ouceano Glacial Ártico, aparece la **tundra**. Al sul dessa formaçon begetal, l'eilebaçon de la temperatura bai faborecendo, purmeiramente, l zambolbimento de la **taiga** i, depois, de la **floresta de cuníferas**, qu'acupan grande parte de la Suécia, Noruega i Finlândia.

Nas áreas de clima ameroso ouceánico, adonde por anfluência de l ouceano la oumidade ye maior, ye muito quemun la **floresta temperada**, formada por cuníferas i arbles de fuolhas caducas; essa fui la formaçon begetal oureginalmente dominante, mas hoiye ye cunserbada solo ne ls maciços muntanhosos.

Nas árias mais secas, dominadas pul clima ameroso cuntinental, próssimo als mars Negro i Cáspio aparece gran stenson de stepes, nas árias mais siecas, i pradaries, nas árias mais úmidas, cun ua begetaçon rastreira qu'an alguns cachos lhiembra ls pampas de l Riu Grande de l Sul.

Ne l sul de la Ouropa, l clima mediterráneo, cun sves caratelísticas subtropicales bastante amenizadas pul Ouceano Atlántico, faborece l zambolbimento de florestas, qu'hoije, degradadas, apersentan-se cumo capones de begetaçon çcontinua, coincidas cumo maquis, an árias de suolos arenosos, ó cumo garrigue, an árias de terrenos calcários. Essa begetaçon ye chamada de mediterránea.

Todo l leste de la Ouropa, acupado pula Rússia ouropeia, apersenta la mesma çtribuiçon begetal de l restante de l cuntinente: la tundra - ne l stremo norte -, la taiga, las pradaries i las stepe custituen las formaçones begetales dominantes.

Fauna


La Ouropa anclui-se na region zogeográfica paleártica. La açon de l'home reduziu l número i la stenson geográfica de las speces selbaiges ouropeias. Na zona mais sietentrional bíben animales de pieles finas, cumo la rena i la foca. Ne ls bosques temperados habítan l urso pardo, la raposa, l lince, la lontra, l lobo, l beado, l gamo, corço, l squilo, etc. Anquanto na ária mediterránea abundan lebres, jabalís, perdiçs i faisones. La muntanha apersenta ua fauna peculiar (l alce i l chibo montés). Son abundantes las abes i ls paixaros, muitos de ls quales mígran antre las dibersas regiones ouropeias ó antre la Ouropa i la África.



Lhobo cinza scandinabo

Porblemas eicológicos

Un porblema que la Ouropa bibe cun antensidade crescente ye la poluiçon. La antensa atibidade andustrial associada a l'alta acupaçon de l spácio resultan an agressões ambientais graves, mesmo cula amplantaçon de medidas de prebençon. La poluiçon atmosférica alcança nibles inquietantes nas percipales ciudades de la Ouropa, adonde l número de atemobles an circulaçon ye cada beç maior. Paralelamente, la agricultura ouropeia tamien nun stá lhivre de ls eifeitos danosos de la chuba ácida, anseticidas, fungicidas i herbicidas.



Poluiçon atmosférica an Paris.

Regiones

D'acordo culs puntos de bista spacial i eiconómico, podemos dibedir l cuntinente an: Ouropa Oucidental, Ouropa sietentrional, Ouropa Centro-Ouoriental i Ouropa Meridional. Sendo:

- **Ouropa Oucidental:** region qu'abrange alguns de ls chamados países atlánticos, ó seia, banhados pul ouceano Atlántico (Reino Ounido, Irlanda i Frância); ls que manténen relaçon direta cul Atlántico atrabeç de l mar de l Norte: Países Baixos, Bélgica i Almanha; i ls países sin salida para l mar, mas que stan direta ó andiretamente lhigados al Ocidente (Áustria, Suíça, Luxemburgo i Liechtenstein).
- **Ouropa sietentrional:** region qu'angloba la Noruega i la Suécia, lhocalizadas na península Scandinaba, para alhá de la Finlândia, Eislândia i Dinamarca; abrange tamien la Stónia, Letónia i Lituânia, que a partir de 1990 se tornórun andependientes de l'anton Ounion Sobiética. La ancluson desses países na region justifica-se por motibos eiquenómicos i pula sue proximidade étnica i cultural culs finlandeses.
- **Ouropa Centro-Ouoriental:** Ye formada pul conjunto de ls antigos países socialistas de l Lheste - Polónia, República Checa, Slobáquia, Hungria, Roméinia, Bulgária, Albânia, Sérbia, Montenegro, Kosobo, Slobénia, Croácia, Bósnia i Herzegovina i Macedónia de l Norte - i pulas

repúblicas que custituían l'antiga Ounion Sobiética, an sue parte ouropeia: Bielorrússia, Oucrânia, Moldábia, Geórgie, Arménia, Azerbaijon i Rússia Ouropeia.

- **Ouropa Meridional**: region que, tamien chamada de mediterránea, comprende ls países ne l sul de l cuntinente, quaije todos banhados pul mar Mediterráneo: Pertual, Spanha, Eitália, Grécia i Turquia ouropeia, para alhá de bários micro-stados - Baticano, San Marino, Mónaco, Malta i Andorra.

Eiqüenie

La eiqüenie de la Ouropa ye la maior de l mundo. Muitos de sous stados pertécen al purmeiro mundo.

Ne l seco XIX rializa-se la purmeira antegraçon moderna de l'eiqüenie de bários stados ouropeus atrabeç de la Ounion Aduaneira de la Almanha.

La Almanha ye eiqüenicamente la nacion mais poderosa de Ouropa, seguida por Frância, l Reino Ounido, Eitália i Spanha, inda que l paíç mais rico, an renda per capita, ye la República de la Eirlanda, l paíç que quando antrou na Ounion Ouropeia, era l mais pobre de l grupo. Eisiste ua grande çparidade na riqueza eiqüenómica de ls defrentes países ouropeus, assi, anquanto nas cinco percipales eiconomies l PIB passa ls 20 mil ouros por persona, Moldábia mal ultrapassa ls dous mil.

Buona parte de la dinámica eiqüenómica de l cuntinente eimoldura-se drento de l funcionamento de la Ounion Ouropeia. Zde 2007, treze stados ouropeus (an 2007 ouniu-se la Slobénia) cumpárten ua mesma moneda, l ouro (€).

La nuoba rialidade de l'eiqüenie mundial, que se cunsolidou an decorréncia de la redadeira década, esta marcada percipalmente pua zantegraçon de la Ounion Sobiética, l bertiginoso crescimento de la República Popular de la China i la materializaçon de l'ounidade eiqüenómica de buona parte de Ouropa.


Ne l meio destas mudanças surgiran nuobos pólos para l'eiqüenie mundial qu'ampulsionórun l chamado porcesso de "Globalizaçon".

Ua de las particularidades de l'eiqüenie ouropeia ye que bários stados de pouca stenson territorial, sien maiores recursos naturales i sin tenr costas, cóntan cun eiconomies prósperas i un eilebado nible de vida. Tal ye l caso de l Luxemburgo, de la Suíça ó de l Liechtenstein, bien cumo de l Mónaco, inda qu'este redadeiro ten costas subre l Mediterráneo.

Demografie

Zde la Renacença i la Era de ls Çcubrimientos, la Ouropa tubo grande anfluência na cultura, eiqüenie i mobimentos sociales mundiales. La demografie de la Ouropa ye amportante nun solo storicamente, mas tamien na cumprenson de las relaçoens anternacionais i de la dinámica populacional cuntemporáneas.


Las questones demográficas de Ouropa, atuais i passadas, ancluíran emigraçon por motibos religiosos, relaçoens raciales, eimigraçon eiconómica, declínio de la taxa de natalidade i ambelhecimento populacional. An alguns países, tal cumo la eirlanda i la Polónia, l'acesso al amóbito ye atualmente lhemitado; ne l passado, essas restriçoens era quemuns an toda Ouropa, assi cumo la maiorie de ls métodos cuntracetibos. Para alhá desso, três países ouropeus (Países Baixos, Bélgica i Suíça) ténen permitido ua forma lhemitada de outanásia boluntária para anfermos treminales.



Las naciones ouropeas segundo la sue renda per capita an 2002.

An 2005 la populaçon de la Ouropa era stimada an 728 milhones de personas d'acordo cula Ourganizaçon de las Naciones Ounidas (ONU), l que perfaç pouco mais de 11% de la populaçon mundial. Un seclo antes, la Ouropa tenie quaije 25% de la populaçon de toda la Tierra . La populaçon ouropeia creciu nesses cien anhos, mas an outras parte de l mundo, particularmente na África i na Ásia, l crescimento fui muitas bezes mais acentuado^[2]. De acordo cula Ourganizaçon de las Naciones Ounidas, la proporçon de la populaçon mundial a morar na Ouropa cairá para cerca de 7% an 2050, totalizando 653 milhones d'habitantes^[3].

Lhénguas

 *Ber artigo percipal: Lhénguas de la Ouropa*

Las lhénguas ouropeias stan drento de três grupos lhenguísticos: las lénguas románicas, deribadas de la lhéngua lhatina de l Ampério Romano; las lénguas germánicas, an que ancestrales benírun de lhéngua de l sul de la Scandinábia; i las lénguas slabas.

Las lhénguas románicas son faladas percipalmente ne l sudoeste de la Ouropa, assi cumo na Roménia i na Moldábia, que quédan na Ouropa Ouriental. Las lhénguas germánicas son faladas ne l noroeste de la Ouropa i alguas partes de la Ouropa Central. Las lhénguas slabas son faladas na Ouropa Central, Ouriental i Sudeste de la Ouropa.

Muitas outras lhénguas fura de ls três percipales grupos son faladas na Ouropa. L eidioma Anglés ye única antre las lhénguas germánicas, tenendo grande parte de l sou vocabulário çcidente de lhénguas románicas. L grupo de lénguas célticas tamien ye un grupo çtinto, cumo ls restantes yá referidos, i ambora tenga zaparecido grande parte de l sou uso diário, inda eisensten defrentes números de falantes de cada ua de las seis lhénguas célticas: eirlandés, gaélico scocés i manx, galés, córnico i breton.


Multilhénguismo i la proteçon de las lhénguas regionales i minoritárias son oubjetibos políticos reconhecidos na Ouropa d'hoije. L Cunselho de la Ouropa atrabeç de la Cumbençon-Quadro para la Proteçon de las Minorias Nacionales de l Cunselho de la Ouropa i de la Carta Ouropeia de las Lhénguas Regionales ó Minoritárias lhebou á criaçon dun quadro jurídico a favor de ls dreitos lhenguísticos na Ouropa.

Religion

Modelo:Percípal La prebaléncia de las religiones de la Ouropa ye la seguinte:

■ Crestianismo

- **Catolicismo romano**, países ó árias cun populações significatibamente Católicas: Andorra, Áustria, oeste de la Bielorrússia, Bélgica, Bósnia i Herzegobina, Croácia, República Checa, Frância, sul i oeste de la Alemania, Hungria, Irlanda, Eitália, Lhatgale (region de la Letónia), Liechtenstein, Lituânia, Luxemburgo, Malta, Monaco, Sul de la



L crescimento de la populaçon ne ls países ouropeus



Çtrebuiçon apossimada de las lhénguas atualmente faladas an Ouropa.

Holanda, Polónia, Pertual, Roménia, San Marino, Slobáquia, Eslobénia, Spanha, centro i sul de la Suíça, oeste de la Oucránia, i Baticano. Eisisten tamien grandes minories católicas ne l Reino Ounido (specialmente na Eirlanda de l Norte), i an outros países ouropeus. Na Sérbia, ls católicos son ua pequinha minorie.

- **Catolicismo Oriental** - ye ancuntrado ne l'oeste de la Oucránia, Bulgária, Chipre, Grécia, Arménia (ten Eigreja nacional i outocéfala), Hungria, Macedónia de l Norte, Roménia, Rússia, Sérbia, Slobáquia, sul de la Eitália (Sardenga i Sicília) i Córsega, na Frância.
- **Crestianismo ourtodoxo** , ls países cun populações segneficatibamente Ourtodoxa son: Arménia, Bielorrússia, Bósnia i Herzegobina, Bulgária, Chipre, Geórgie, Grécia, Macedónia de l Norte, Moldábia, Montenegro, Roménia, Rússia, Sérbia, Oucránia, parte ouriental de la Hungria, i minories ne l Sul de la Eitália, Cazaquiston, Albânia, Letónia, Lituânia, Polónia i Finlândia (Carélia).
- **Protestantismo**: países cun populações segneficatibamente protestantes ancluen Dinamarca, Stónia, Finlândia, norte i l'heste de la Almanha, Eislândia, Letónia, Houlanda, Noruega, Suécia; l'heste, norte i oeste de la Suíça i Reino Ounido. Eisisten significatibas minorias na Frância, la noroeste Piemonte na region de Eitália, Slobáquia, República Checa, Hungria, i ua pequinha minorie na Polónia.
- **Eislon**, países cun segneficatiba populaçon muçulmana son: Albânia, Azerbaijon, Bósnia i Herzegobina, Bulgária, Grécia, Geórgie, Cazaquiston, Montenegro, bárias repúblicas de Rússia, Sérbia, Turquia, Crimeia na Oucránia, i Frância.^[4]

Outras religiones son praticadas por grupos menores na Ouropa, ancluindo:

- **Judaísmo** percipalmente an Frância, Almanha, Reino Ounido, Rússia i Eitália. Al mesmo tiempo, l judaísmo fui mui praticado an todo l cuntinente ouropeu, anque tenga deminuído an númaros zde la spulson i de l stermínio, i l éxodo de l judius durante parte de l segundo milénio.
- **Hinduísmo** percipalmente antre eimigrantes de la índia ne l Reino Ounido. An 1998, habie ua stimatiba de 1.382.000 hindus na Ouropa.^[5]
- **Budismo**, fracamente spalhado por toda la Ouropa i an rápido crescimento ne ls redadeiros anhos, cerca de 3 milhones d'adetos.^{[6][7]}
- **Andígenas Ouropeus**, seguidores de las tradições i crenças paganas stan an muitos países (i an rápido crescimento ne l mobimento neopagon na Frância, Almanha, Eirlanda i Reino Ounido), i fé Asatru reconhecida cumo ua minorie religiosa na Eislândia (zde 1973), Noruega i Suécia.
- **Rastafari** , quemunidades ne l Reino Ounido, Frância, Spanha, Pertual, Eitália i noutros países.
- **Sikhismo**, quaije 1 milhon d'adetos de l Sikhismo na Ouropa. La maiorie de la quemunidade bibe ne l Reino Ounido (750.000) i Eitália (70.000). Cerca de 10.000 na Bélgica i Frância. Holanda i Alemanha ténen ua populaçon de 12.000 adetos. Todos ls outros países ténen menos ó 5000 Sikhs.
- **Jainismo**, pequinha adeson, percipalmente antre ls eimigrantes andianos ne l Reino Ounido.
- **Bodo**, percipalmente antre personas de raça negra, eimigrantes de Caribe i de la África Oucidental fixados ne l Reino Ounido i Frância.
- **Religiones tradecionales africanas** (ancluindo Muti), percipalmente ne l Reino Ounido i Frância.
- **Outras religiones** cun poucos (ó al abrigo dun milhon) adetos na Ouropa: Animismo, Eigreja de Cristo, Eco-religion, Gnose, Paganismo, Testemunhas de Jeobá, Menonitas, Eigreja Morabiana, Mormonismo ó Ls Santos de ls Redadeiros Dies, Panteísmo, Politeísmo, Relatibismo Teológico, Cientologie, Adbentistas de l Sétimo Die, Eigreja Ounibersal, Unitarismo, Wican, i Zoroastrianismo.

Milhões de europeus não professam nenhuma religião ou são ateus, agnósticos ou humanistas. As maiores populações não confessionais (em percentagem) são encontradas na República Checa, Dinamarca, Frância, Alemanha, Holanda, Noruega, Suécia e nas antigas repúblicas soviéticas como Bielorrússia, Estónia, Rússia e Ucrânia, embora a maioria de ls antigos países comunistas tenham populações significativamente não confessionais.

Religiones cun statuto oficial

Um certo número de países de la Europa têm religiones oficiais, incluindo Liechtenstein, Malta, Mónaco, Bataviano (católica), Grécia (Ortodoxa Oriental), Dinamarca, Islândia, e Noruega (Luterana). Na Suíça, alguns cantões reconhecem oficialmente catolicismo, protestantismo e outras religiões reformistas. Algumas aldeias suíças ainda têm a sua própria religião.

La Geórgia não tem Igreja estabelecida, mas a Igreja Ortodoxa Georgiana *goza de facto* de estatuto privilegiado desde a assinatura de um concordato em 2002 com o estado georgiano. Na Finlândia, tanto a Igreja Ortodoxa Finlandesa e a Igreja Luterana são oficiais. Na Inglaterra, uma parte de l Reino Unido, tem l Anglicanismo como a sua religião oficial. Na Escócia, uma outra parte de l Reino Unido, tem l Presbiterianismo como a sua igreja/religião nacional, mas já não é "oficial". Na Suécia, l'orgão de la Igreja é l Luteranismo, mas também deixou de ser "oficial". Ne l Azerbaijão, Frância, Portugal, Roménia, Rússia, Espanha e Turquia são oficialmente "seculares".

Referências

Referências

- valor dado na escala curta usada no Brasil. Na escala longa, usada no ls restantes países lusófonos, l valor seria de 12,82 bilhões de dólares.
- UNPP, 2004 Revision World Population Prospects: The 2004 Revision Population Database (<http://sa.un.org/unpp>). United Nations Population Division, 2005. Visitado em 25 de outubro de 2006.
- <http://sa.un.org/unpp/p2k0data.asp>
- «muçulmanos na Europa: BBC Country guide» (<http://news.bbc.co.uk/1/hi/world/Europe/4385768.stm>)
- «[www.adherents.com/Na/Na_306 .html](http://www.adherents.com/Na/Na_306.html) <! - INSERIR TÍTULO - >» (http://www.adherents.com/Na/Na_306.html)
- «Bipassana Foundation - budistas de to l mundo» (<http://www.bipassanafoundation.com/Buddhists.html>)
- «BuddhaNet - budismo no l Ocidente» (<http://www.buddhanet.net/i-lhearning/buddhistworld/to-west.htm>)

Sacado em "<https://mwl.wikipedia.org/w/index.php?title=Europa&oldid=96272>"

Esta página foi editada pela redadeira às 15h43min de 14 de fevereiro de 2020.

Este texto é disponibilizado nos termos da licença Creative Commons - Atribuição - Compartilha Igual 3.0 Não Adaptada (CC BY-SA 3.0); pode estar sujeito a condições adicionais. Consulte as condições de utilização para mais detalhes.